

Naalakkersuisut matumuuna saqqummiuppaat aalajangiiffigisassatut siunnersuut, Inatsisartut suleriaasianni § 33 naapertorlugu:

Inatsisartut aalajangiiffigisassaattut siunnersuut Namminersorlutik Oqartussat ilalissagaat piginneqqaartussaataaneq pillugu inatsisip Kalaallit Nunaanni atortuulersinneqarnissaa Kunngip peqqussutaatigut
(Ilinniartitaanermut, Kultureqarnermut, Ilageeqarnermut Nunanullu Allanut Naalakkersuisoq)

1. Peqqussutip imai

Danskit kulturministeriaqarfiata Namminersorlutik Oqartussanut nassiussimavaa Kalaallit Nunaanni peqqussutissamut siunnersuut piginneqqaartussaataaneq oqaaseqarfigisassatut.

Peqqussummut maanna Kalaallit Nunaannut atortuusumut nr. 561, ulloq 7. juni 2006-imeersumut Kalaallit Nunaannut inatsisikkut atortuulersinneqarsimasumut sanilliullugu kingornagut danskit aamma nunarsuarmit piginneqqaartussaataaneq inatsisiliorneranni arlaqartunik allannguuteqartitsisoqartarsimavoq. Taakkua pingaarnertut teknologiimi ineriartornermut tunngasuusarput ingammillu elektroniskiusumik ingerlatsinermi, kiisalu aamma annertusisamik soqutiginninnermut anersaakkat pisinnaatitaaffinnik niueruteqartarnermut atatillugu EU-mi aqutsinermut. Pineqarput allannguutit Kalaallit Nunaanni ullutsinnut naleqqunnerusunik nutaaliaanerusunik tulluarnerusunillu inatsisiliornermik kinguneqarsinnaasut.

Tamannalu tunuliaqutaralugu nalilerneqarpoq kissaatiginartutut nutarteriffigissallugu piginnittussaataaneq pillugu inatsit maanna atuuttoq, suliassaqarfimmi tamatumani ineriartornermut naleqquttumik. Tamanna siunnerfigalugu pilersitsisoqarnissaa killiliussanik pitsaanerpaanik kalaallit eqqumiitsuliortut piginnittussaataaneq nunat killeqarfii akimorlugit. Ilutigisaanik anguniarneqassaaq piginnittussaataaneq malittarisassat ullutsinnut naleqquttunngortinneqarnissaat, piginnittuunermit aalajangersakkat nunat killeqarfii akimorlugit suleqatigiinnermit naleqqussarumallugit, ilutigisaanillu nunatsinni malittarisassat naleqqussarlugit.

Siunnersuut suliaavoq tunuliaqutaralugu piginnittussaataaneq inatsimmut nalunaarut nr. 1144, 23. oktober 2014-imeersoq, ilassutigalugillu malittarisassat inatsimmi nr. 719, 8. Juni 2018-imeersut.

Allannguutit kingunerissavaat ataatsimut isigaluni piginnittussaataaneq inatsisiliornermi pitsannguutit, allannguinerit annikitsut arlaqartut aqutigalugit, nunatsinni piginnittussaataaneq inatsisiliornermi aqutsinermit pingaaruteqartut.

Naallu allannguutit imatut annertussuseqanngikkaluartoq ataatsimut peqqussusiamik nutaamik suliaqarnissamut tunngaviliillutik, pissusissamisoernerutissimavaat Naalakkersuisut peqqussummi nutaami allannguutit ataatsimoortut katersornissaat suliap paasiuminassusia pitsaanerpaatikkumallugu.

Siunnersuummi allannguutit aammalu taakkua kingunerisassaat maanna peqqussummut atuuttumut sanilliullugit assigiinngitsutigut sunnuteqartussaammata allannguutit immikkoortukkaarlugit tulliuttuni allaaserineqarput.

- §§ 16-16b pisortani toqqorsivinnut, atuagaateqarfinnut aamma katersugaasivinnut immikkut akuersissutinik assigiinngitsunik kinguneqarput. Taamaattoq danskit malittarisassaarlarqartut katersugaasiveqarnermut inatsimmik aamma tunniussisartussaannermik pisussaaffeqarnermut inatsimmik Kalaallit Nunaanilu atuutinngitsunik imaqtartut peqqussummi mininneqarput. Allanguutip kinguneraa ingerlatsiviit pineqartut pilersitat assinginik sanatitsisarsinnaasut illersuinissamik siunertaqartumik, imaluunniit saqqummersitsisarfinmi taakkua pissarsiarineqarsinnaajunnaarsimappata. § 16 -imi pineqarput immikkut sanatitsisarsinnaanerit ingerlatsiviup ingerlassinnaasai ingerlatsiviup pisussaaffii naammassisinnaajumallugit, assersuutigalugu toqqortaqartussaannermut atatillugu.

Kiisalu aamma § 16a aqutigalugu periarfissiisoqarpoq pisinnaatitaanermik pilersitanik tamanut saqqummiunneqareersimasunik inunnut ataasiakkaanut atugassisinnaanerimut, nammineq taakkua inuttut pilersitanik pineqartunik misissuisinnaaneri eqqarsaatigalugit teknikkimut atortorissaarutinik iluaquteqarlutik. Tamatumunnga atatillugu assersuutigalugu cd-nik tusarnaarsinnaanerimut atortorissaarummik atugassisoqartassaaq, atuisoq nipilersukkanik atuakkanik atorniartarfimmiittunik tusarnaarsinnaaqullugu, nipilersukkalli tusarnaarneqartassapput atuisup ataatsip nammineq kisimi tusarnaarsinnaasaanik. § 16b qularnaarivoq licens-imut isumaqatigiissuteqarsinnaanerimut, taamalu atuakkanik atorniartarfik assersuutigalugu Copydan-imut isumaqatigiissutaasunik ingerlatsivittut isumaqatigiissuteqarsinnaaqullugu. Oqaasertat aamma nuutit elektroniskiusumik nassiussanut tunngasut ungasissumiit attartorsinnaanerimik piviusunngortitsisinnaajumalluni atuakkanit atorniartarfinniit aamma atuisartunut kingullernut tunngatillugu.

- Peqqussutip §§ 17a-17d-vini pineqarput Marrakesh-imi isumaqatigiissummik atortuulersitsineq, siuarsaajumalluni pilersitanik tamanut saqqummiunneqareersimasunik inunnut tappiitsunut imaluunniit isigiarsuttut allatigulluunniit isigiarsuteqartunut aqutissiuussinissaq. Siunertaasoq tassaavoq atuisinnaanerup annertusarneqarnissaa, aamma killiliussat assigiinngitsut akimorlugit paarlaasseqatigiittarneq atuakkanik, atuakkanik nipitut immiussanik il.il. allanit isigiarsunnikkut atuarniarnermikkulluunniit innarluuteqartunit iluaqutigineqarsinnaasunik. Isumaqatigiissut danskit inatsisaanni ilaalerpoq inatsit nr. 719, 8. juni 2018-imeersoq aqutigalugu.
- Peqqussutip § 24a-vatigut eqqunneqarpoq isumaqatigiissutinut licensi eqqumiitsulianik tamanut takusassiarineqareersunik atueqqiinnermut. Tamanna isumaqarpoq atueqqiinissamat piумаqataasut nammassineqarsimanngikkaluartut §§ 23 aamma 24 naapertorlugit, eqqumiitsuliat atoqqinneqarsinnaasut § 24a naapertorlugu, peqatigiiffiit piginnittussaannermik isumaqatigiissutinik aqutsisuusut akuersissutaannik tunngaveqartumik.
- KNR-ip pisinnaatitaanera § 30a naapertorlugu saqqummersitanik tamanut saqqummiunneqareersunik aallakaatitseqqissinnaanerimut, KNR-ip nammineq aallakaatitassiaanut ilaasutut, annertusineqarput pilersitanut tamanut saqqummiunneqareersimasunut 1. januar 2017 sioqqullugu. Peqqussummi maanna atuuttuusumi tamanna 1. januar 1998-iuvoq.
- Peqqussutip § 35-ia ilassuserneqarpoq immikkoortunik 4-7, isumaqatigiissutaasunut licens-inut kabelikkut ingerlatitseqqittarneq pillugu. Allanguut siunertaqarpoq qularnaassallugu isumaqatigiissutaasunut licensinut § 35-imi ilutigisaanik aammalu allanguuteqanngitsunik radiukkut aamma tv-iikkut aallakaatitanik ingerlatiteqqittarneq kabel-ikkut ingerlatiteqqittarfitsigullu allatigut, radiukkut tv-

iikkullu aallakaatitat silaannakkut aallakaateqqinneqartarneri pillugit teknologiami ineriartornermut naleqqussarneqassasut aammalu periarfissanut nutaanut pingajuusutullu aallakaatitassianik qaqugukkulluunniit isiginnaarneqarsinnaasunik iluaquteqartarneq (/on de mand-udnyttelse).

- Peqqussutip § 50-iani eqqunneqarpoq ataatsimut isigisumik isumaqatigiissutaasunut licensi ingerlatsiviusunut nutaanut, akuersissummik pigisaqartup aamma atuisartup isumaqatigiinnissaanik pisariaqartitsiviusuni. Ilaatigullu Kalaallit Nunaanni ilinniarfiit taamaasillutik atuisinnaalissapput Danmark-imi ingerlatsiviit periarfissaasa assigisaannik, assersuutigalugu atortorissaarutinik audiovisuel-iusunik atuisarnermut. Aammattaaq oqaatigineqassaaq § 50, imm. 2 malillugu suliat pigineqanngitsunut pisinnaatitaaffiit inissinneqarsinnaammata.
- Siunnersuuteqartoqarpoq § 51-imi aamma § 54-imi oqaasertaliinerit allanngortinneqarnissaannik. § 54, imm. 1 naapertorlugu pilersitsisuusup isumaqatigiissuteqarnissaq saqqummiussinnaavaa piginnittuunerup qaammatinik 6-inik siumut ilisimatitseeerluni atorunnaarnissaanik, iluaquteqarneq aallartinneqareersimangippat ukiut 3-it qaangiunneranni isumaqatigiissutip pilersitsisuusumit naammassineqareerneraniit. Maanna § 54, imm. 1-it utuutq naapertorlugu piginnittuunerup isumaqatigiissut atorunnaarsinnaavaa, tiguisup pilersitaq iluaqutiginnaangippagu piffissap naapertuuttumik sivisussusillip iluani, imaluunniit kingusinnerpaamik ukiut 5-it qaangiunneranni, isumaqatigiissutip piginnittuenermiit naammassineqareerneraniit.
- §§ 63, 65 aamma 66-imi siunnersuutigineqarpoq piffissaq illersuiviusoq sivitsorneqassasoq eqqumiitsuliortunut ingerlatsisunut saqqummersitsisartunullu nipinik immiussanik il.il.
- § 66a eqqumiitsuliortumut ingerlatsisuusumut pisinnaatitsivoq isumaqatigiissutaasimasunik piginnittuunerup ingerlateqqinneqarnera pillugu atorunnaarsitsisinnaanermut, pisinnaatitsissut naammattumik iluaqutigineqanngippat.
- Piffissap illersuiffiusup sivitsorneqarnerata kingunerisaanik § 66b-tut ilanngunneqartoq aqqutigalugu aalajangersakkanik nutaanik pilersitsisoqarpoq, eqqumiitsuliortutut ingerlatsisuusut pisinnaatitaaffii ukiumut ilassutitut akissarsiaasaqarnissaq pillugu piffissami illersuiffiusumik sivitsuinerup kingunerisaanik.

Aningaasarsiornikkut aamma allaffissornikkut pisortanut kingunerisassai

§§ 16-16b eqqaaneqartutut qularnaarissaaq immikkut akuersissutinik arlaqartunik pisortat toqqorsiviinut, atuagaateqarfiinut aamma katersugaasiviinut, taamatullu aamma allannguutinik § 50-imi ilinniartitaanermik ingerlatsiviit isiginnaagassanik tusarnaagassanillu piusunik atuisinnaanerannut ilinniartitsinermut atatillugu. Taamaasillunilu isumaqatigiissuteqartoqarsinnaalissaaq tv-mi film-inik toqqorsivittut kiffartuussivinnut qarasaasiatigut, iPads-ikkut allatigullu atuisinnaanermik.

Aningaasaqarnikkut allaffissornikkullu inuussutissarsiortuni namminersortuni kingunerisassai

Allannguutit § 35-imiittut periarfissiissapput kalaallini tusagassiornermik aallakaatitassiornermillu ingerlatsiviit isumaqatigiissuteqarsinnaalernissaannut ingerlatsivittut aaqqissuussaanernut akiliuteqarnikkut atuisinnaaneq eqqarsaatigalugu. Assersuutigalugu najukkami radioqarfik aamma tv-qarfik isumaqatigiissuteqarsinnaalissaaq pisinnaatitaaffiit

tamaasa pillugit, assersuutigalugu taaneqartoq “one-stop-shop”-imik, ilaatigut web-tv-mik aamma kiffartuussinernik digitaliusunik atuisinnaanernut.

Aningaasarsiornikkut aamma allaffissornikkut innuttaasunut kingunerisassai

Naatsorsuutigineqarpoq siunnersuut arlalitsigut ajunngitsunik innuttaasunut sammisunik kinguneqassasoq. Tamanna ilaatigut atuuppoq innuttaasunut isiginiarnermikkut innarluuteqartunut, eqqumiitsuliornermik ingerlatsisuusunut piffissaq illersuiiviusartooq eqqarsaatigalugu, ilassutitut akissarsiassaqaarneq il. il. eqqarsaatigalugittaaq.

Tusarniaaneq

Peqqussut piffissami 14. december 2018 -miit 18. januar 2019 -imut tusarniaasarnernut quppersakkami tusarniaassutigineqarsimavoq, kiisalu toqqaannartumik tusarniaassutigalugu nassiunneqarsimalluni tusarniarneqartartunut ukununnga: Naalakkersuisut Siulittaasuata Naalakkersuisoqarfia, Aningaasaqarnermut [Nunanilu Avannarlerni suleqatigiinnermut](#) Naalakkersuisoqarfik, Ineqarnermut Attaveqaqatigiinnermullu Naalakkersuisoqarfik, Pinnngortitamut Avatangiisunut ~~Hu~~ [Illisimatusarnarmullu](#) Naalakkersuisoqarfik, Peqqissutsimut ~~Iisimatusarnarmullu~~ Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Inuussutissarsiornernut Nukissiuuteqarnermullu Naalakkersuisoqarfik, Isumaginninnermut Inatsisinillu Atortitsinermut Naalakkersuisoqarfik, Aatsitassanut, Suliffeqarnermut ~~Nunamullu Namminermut~~ Naalakkersuisoqarfik, Sulisitsisut (GE), SIK, NUSUKA, IMAK, NPK, Eqqumiitsuliornermik Ilinniarfik, Kommuneqarfik Sermersooq, Kommune Kujalleq, Qeqqatta Kommunia, Kommune Qeqertalik, Avannaata Kommunia, Ilisimatusarfik, Kulturministeria, Avannaani Ilinniarnertuunngorniarfik/Nordgrønlands Gymnasium, Qeqqani Ilinniarnertuunngorniarfik/Midtgrønlands Gymnasium, Campus Kujalleq, Kalaallit Nunaanni Teknikkimik Ilinniarfik (KTI), INUILI, Imarsiornermik Ilinniarfik, NI-Nuuk, Peqqissutsimik Ilinniarfik, Perorsaarnermik Ilinniarfik, Nuuk Internationale Friskole, Nunamut tamarmut ilitersuisarfik, Nunatta Atuagaateqarfia, Nunatsinni Isiginnaartitsisarfik, Knud Rasmussen Højskolia, Villads Villadsen-ip Efterskolia, Maniitsup Efterskolia, Sulisartut Højskoliat, MIO, Kalaallit Nunaanni inuit pisinnaatitaaffiit siunnersuisoqatigiit, Eqqartuussissuserisut Kalaallit, ISI, Inooqat, KTK- tusilartut peqatigiiffiat, KNIPK- Innarluutillit Peqatigiiffiat, Kalaallit Atuakkiortut, KIMIK, IPIS, Nipilersortattut Kattuffiat, Katuaq, NAPA aamma EPI.

Aallarniut

Naalakkersuisut inassutigaat Inatsisartut ilalissagaat Naalakkersuisut danskit kulturministeriannut nalunaaruteqassasut Namminersorlutik Oqartussat ilaleraat piginnittuunermut inatsisip Kalaallit Nunaannut atortuulersinneqarnissaa, ilanngunneqartumi Kunnigip peqqussutissaatut siunnersuummi allanneqartutut.

Ilanngussat

- Peqqussutip eqikkarneqarnera piginnittuunermut inatsisip Kalaallit Nunaannut atortuulersinneqarnissaa pillugu.
- Kunnigip peqqussutaa piginnittuunermut inatsimmik Kalaallit Nunaanni atortuulersitsineq pillugu.

